

LXXXXIX

سنہ: ۱

شماره ثانی ۱۳۳۲

صافی: ۶

دار الفنون

جہوں فاکولتہا لیترا مجھو عبدا
سنہ ۱۳۳۲

حقوق، سیاسیات، اقتصادیات

قسم سیاسی

لهستان انقراضی (*)

۱

تاریخ سیاسی ترقیاتی

(ماکیاوهل) که قوی شخصیتی، دوربینک سیاستده درین ایزلر براقش، ذاتاً یک خوش چینمہ بن اخلاق ایله سیاست، بربرندن باین دوشمش ایدی. اون آلتنجی عصردن اعتباراً (مائیواہلیم) سیاست عالمده مقتداہ بر پرنسب حالته کلدی. ممدوح غایہلر، مقدوح واسطہلرہ بخش مشروعیٹ ایدیوردی. «سلامت وطن اندیشہ سی»، دولت آدمک بتون جنایاتی معذور کوستریر، دینیلوردی. او زمانک سیاسیلری بو وادیدہ حوجالریخی خیلی یکدیله، او، سالم برغایہ ایچون انتخاب و سائطده پرواسر ایدی. بریکیلر انتخاب غایہ خصوصندہده مشکلیکسند اولمادیلر و مظلم یوللردن ظالم مقصدلرہ ایریشدیله.

اون یدنجی عصرده دوق دو (روہان)، «ملتلر حکمدارانک»، حکمداران ایسه منفعتک منقاد فرمانی در، دییوردی. (حق) لافی اورتہدن قالمش، (منفعت) سوزی دیلارده دولاشیوردی. بو اساسلر، حسیات عامہنی رنجیده ایتدیکنندن بوخودکام و جرآر سیاستک بتون وسیلہ حکم سورمسنہ حائل قالمشدی. نہایت ایکنجی قاتہرینا ایله ہمالرینک آلتہ - کرک فردی، کرک اجتماعی معناسیلہ - حس ناموس و حیا،

[*] حرب حاضرده آلمانیاک تحت استیلاسنہ کچن روسیہک قسم غریبسنده اسکی لهستان قرالینک احباسنہ تثبت اولونسی، الیوم اذہان عمومیہ بی اشغال ایدن مهم حادثاندن در. بووسیله ایله مذکور دولتک صورت انقراضی مطالعہ ایتک فائدہدن خالی اولمایہ جقدر. بومقالہ، بوندن اوچ سنہ اول بر رمضان کیجہ سی دارالفنون قونفرانس سالوننده ویرلش بر قونفرانسدن معدلہر. مأخذلر، (لایس ورامبو) تاریخ عمومی ایله (رامبو) نک روسیہ تاریخی، (صورہل) ک اون سکزنجی عصرده شرق مسئلہ سی و (دوقودرہ) (مالہ) وسائر بعض عمل تاریخ کتابلری و مطالعات ذاتیہ در.

بر لفظ بی معنا حاله کلدی . (ماری تهره ز) ک ریاکار گوز یاشلری ، زوانه آجیدینی قوموشوندن دولغونجه بر بارچه قوپارمسنه مانع اولمادی .

مقدرات اقوامی ادارهیه مؤکل اولانلرک ایجابنه کوره انسانجه و حیوانجه حرکت ایله مکی بیلیمی لزومی ، ماکیاوهلک دساتیر معروفه سندن ایدی . اودورک رجال سیاستی قوتک نقصانی حیلله ایله اتمام ایتکی ، استادلرینک دلخواهنجه هم آرسلان ، هم تلکی اولنی بک ائی بیلیورلردی . ذاتاً دیپلوماسی ، آرسلانک دریمی قیصه کلدیکی وقت تیلکینککنی آکا اکلهمک صنعتی دره ، دیه تعریف وایله تلقی ایدلیورمی ایدی ؟ ساحه سیاسته نقل وتطبیق ایدیلن هر نظریه ، بو آدملرک النده ماهیتی دیکشدریور ، قورقونج بر شکل آلیوردی . (سیاست موازنه) بوقیلدن ایدی .

(فنه لون) ک ، بویوکلرک حرص اتساعنه قارشى کوچوکلری صیانته معطوف وکافل نظام عالم اولمق اوزره اطرا ایله دیکی موازنه بولتیقه سی ، بدایتده بردولتک ملکا توسعی حسیله دوجار تهلهک اولان دیگر دولتلرک ، آئی بواکتسابادن فراغت ودها اولکی وضعیتک احاده سنه مجبور ایتک حقنه مالکیتلری کی تلقی اولونمقده ایدی . حال بوکه صوکره لری ، عین قاعده ، حریص بردولتک اغتصابات ایله توسعنه قارشى دیگر دولتلرک ده ضعیفلرک ضررینه مماثل اکتسابات ایله معادل بر عوض آرامق حقنی حائر اولدقلری معانسه آلتمش در . بو حال ، (سیاست تعویضات) و (تقسیم مشترک اصولی) (Système copartageant) نه منجر اولمشدرکه لهستان تقسیمی بواساسک اک چیرکین ومدهش بر تطبیق در . [*]

اشکنجه لی اولمق ایچون اوزون سورن (۱۷۷۲-۱۷۹۰) بوتشریح زنده عملیه سی ، افکارده اساسلی انقلابات ایله متمیز ، وقوعانی تضادلرله مالی بردوره تاریخه مصادف اولدی . شویله که : بر طرفدن بکی دنیاده معظم بر جدالی متعاقب پارلاق براستقباله نامزد بویوک بردولت (متحده آمریکا) دوغیور ؛ دیگر طرفدن بر عتیقده وسیع براولکبه صاحب بر جمعیت مستقله نک حیات سیاسیه سنه تعمداً ختام ویریلیوردی . بر آره لق فرانسه انقلاب کییری ایله اوروپانک غربندن اشراق ایدن نور حریت ، ملتاره انسانی ، حر ومسعود بر حیات وعد ایدرکی گوروندی . فقط بوا مید ، عین دورده عین اوروپانک شرقد

[*] فضله ایضاحات ایچون (حقوق بین الدولک مقدمات نظریه وصفحات تکاملیه سی) عنوانی اثریمه صراحت ایدیلد بیلیر .

اون بش میلیون نفوس بشرك استرقاقه منجر بر آلیش ویریشك جریاننه مانع اولامای .
لهستانك انقسامنده قومشولرینك بداندیش اهتمارلیله ادامه ایدیلن تأسیسات سقیمه
وفوضای اداره سنك ، منافسات مذهبییه ووضعیته جغرافییه سنك تأثیراتی انكار اولوناماز .
بونكه برابر تدقیق ایده جكمز بواحوال ، خائن برسكون ایچنده مهارتله مرتب و سرین
قانلیقله منجز بومقاسمه مفترسانه نك لثامت وشامتنی ستر واضمار ایده مز .

تاریخ عالمك بومباحثنی تدقیق ایتمك ، برچوق فوائد عرض ایدر: اول امرده - عمومی
برقطة نظردن لهستان اقراضی ، برچوق سیئات اداره وعوامل اجتماعیه نك محصله سی
اولان بر فلاکت سیاسیه دركه تحقیق اسباب ونحری نتایجی ، اخلافك چشم اتباهنه عرض
اولونمغه دگر .

ثانیاً - خصوصی برقطة نظردن باقیجه گورورزكه اون سکزنجی عصرده عثمانلی تاریخی ،
لهستان تاریخی ایله ایدن اینی اختلاط ایدر حتی اکثر مورخین بوایکیسینی برآرده
مطالعه ایلر . چونكه بر کره عثمانلی دولتی ایله له دولتی دنیستر (طورله) نهری ایله
بربرینه هم حدود ایدی . آندن باشقه هرایکیسی ده اوزمان صاعده ، صولده عین دشمنلره
مالك اولدیلر . شرقده روسیه ، غربده آوستریا .. شوفرقله كه لهستان ایچون فضله
اوله رق پروسیا واردی .

كذلك شایان دقتدركه دولتر ، لهستانه تطبیق ایتدكلی فك اجزای ممالك
démembrement اصولی ، كرك اودورده وكر كدها اول ودها صوكره دولت عثمانیه ده
تطبیق ایتمك ، توریکیانی ایکنجی بر لهستان یا بمق ایسته مشلر ، فقط بویوك امیدلرله
گیرشدكلی حربلری موفقیتله نتیجه لدرمش اولدقلى احوالده دخی بوغایه لرینی تطمینه
امكان بولامامشلردر . چونكه عثمانلیلرك اك دوشكون زمانلرنده بیله بوکی تصورات
لثیمیه اعلان حرب ایله جواب ویرملری وحریده غالب كلدكلی تقدیرده دخی کوستره
دكلی خوارق جلادت ومقاومت ایله قابلیت حیاتیه لرینی اثبات ایتلری ، مملکتتمزی
سهل الهضم برشكار کبی تلقی ایدن سیاست صیرتلا نلرینك امیدلرینی تقویه ایده مه مش ،
دولت ایدمدت ، ایکی وبلكه اوچ عصردن بری بوخائن تصورلره ، وقور و متین ،
گوگس گرمشدر .

برده بودور وقایعك مطالعه سی بزه عثمانلیلرك مع الاسف مغلوبیتله نتیجه لنمكه برابر
مفاخر ملیه دن عد اولنمغه شایان بر تشبث مردانه سی گوستره جكمدر .

فی الحقیقه سیاست بین المللده حقك افلاس ایتدیكى ، قانون اخلاقينك رجم اولوندينى برصرهده حریت اقوامك شمديكى بالانجی مدافعلى لهستانی قورتارمق ایچون پارماقلىرى بيله قیلمداقمق ایسته مز ، برملتك ناصل بوغازلانديغه تماشاگر دورور ایکن یالكز مردوعالی جناب توركلر [۱] دركه شرائط جدالك کندیلری ایچون بالکلیه غیر مساعد اولديغنه باقايه رق لهستانك بقاسی اوغرینه اورته یه آتیلدیرو کرار آ سنه لرجه قان دوکدیله .

بومحارباده عثمانیلر موفق اولامادیلر . مظفر اولسه یدیله لهستان تقسیم ایدیه میه جك ایدی [۲] لهستانك ایلک تقسیمنه امکان بخش اولان حادثه ، عثمانیلرک جزئی فاصله ایله برآ اسماعیلده و بحرآ چشمه ده مغلوبیتلریدر . بووجهله بویوک مانع برطرف ایدلمش اولدی .

قآرین و شرکای جرمی پرواسزلنی اودرجه ایلری کوتوردیلرکه سالك اولدقلى دینی بيله تجاوزلرندن مصون برآمدیلر . من القدیم حس دیانت محصولی اوله رق معاهداتك باشه قونیلماق معتاد اولان عباردی مقاسمه معاهده سنه فاتحه کلام اتخاذ ایدیلر ولهستانی اوچ دفعه ده دول ثلاثه بینده اقسام ثلاثیه تقسیم ایتدیله ، و بو ، « يك مقدس ولايتقسم اقایم ثلاثه نامنه » Au nom de la très sainte et indivisible Trinité

آرتق ، لهستانك ناقوس مائی چالینمش ایدی .

[۱] بوتعبیراتی عبارده سوسله مک ایچون قولالما یورم . علمی مقاله لرده pathétique سوزلر بی جادر . فقط توركلرك بوحرکت فداکارانه سنی ، دولت علیه دن استحماء ایدن له زادكانك بدل معاونت اوله رق تکلیف ایتدکلى بودولیا ایالته طمع و احتیاجدن متولد عد ایتك دوغرو اولمازه بو حادثه ، عند ایتدکلى قاینارجه صلحنامه سنی مضاعف برسقامتله « عهدنامه مبارکه » عد ایدن اوزمانکی رجا مزده ، استکناه منویات ایله تدابیر واقیه اتخاذی کبی پکده «سلم اولمایان سیاسی بردور اندیشك ایله قابل ایضاح اولقدن زیاده جنشکاور ملتله خاص ، وضعیف و ملتجیلری تصاحبه ساعی بر حیثیت مردانه ، Chevaleresque برده نیت اثری کبی تلقی اولنه بیلیله . توركلرك کندیلرینه صیغینانلری حایه ایچون حربیه و تهلكیه آلکلیری ایلک دفعه واقع اولما یوردی . ییلدیرم بایزیده قره قویونلیری تیمورلنك دست ظم و انتقامنه تودیع ایتمه مک ایچون حربی قبول ایله سلطنتی بيله تهلكیه الفا ایتمه مشی ایدی ؟ سلطان سلیمانك برنجی فرانسوایی شارلکنه قارشى تصاحبه ده ذکره محتاج اولما یه حق قدر معلومدر . ده ا یقینلرده ماجار ملتجیلرینك مملکت مزده مظهر اولدقلى حسن قبول ، حقوق دولده مجرمین سیاسیته نك عدم اعاده سی کبی مهم برقاعده نك مدار تأسیس اولمش ایدی .

[۲] حتی او اعتقادده می که صوك بالقان حربنده طالع حرب عثمانیلره یار اولسه یدی ، دنیا شو حرب عمومی ایله ماتمکاهه دوغزدی . قوی برتورکیانك سلامت عالم ایچون درجه لزومه بونلر نه حزن برر مثالدر !

لهستانک وضعیت جغرافیسی

اسلاوچہ اووہ معناسہ polié کلہ سندن مشتق اولان پولونیا نامی ، اون دردنجی عصر میلادی^۱ اواخرندہ تشکیل ایدن بودولتک وصف اساسی^۲ جغرافیسی کافی درجہ دہ ارانہ ایدر . لهستانک فلا کتلرندہ احوال سیاسیہ سنک تأثیری اولدینی کی وضعیت جغرافیہ سنک دہ ادخلی واردر . فی الحقیقہ جغرافیہ نقطہ نظرندن بوملکت ، آجیق وعوارضدن معرا^۳ و بناء^۴ علیہ مدافعہ طبیعیہ دن محرومدر . سیاسہ^۵ لهستان نہ بر سلطنت ، نہ بر جہوریت در . بلکہ متبادی اختلافات ایلہ مذہب تأسیسات جہوریہ یہ مالک بر حکومت سلطانیہ مملکتی در .

لهستان ، شرقی اوروپا اووہ لرندہ ایلک تشکیل ایدن اسلاو دولتی در . ۱۳۸۶ دہ ولادیسلاس (یا گالون) ، مرکزی وارشوہ اولان لهستان قرالیتی ایلہ باشلیجہ قصبہ سی ویانا اولان لیتوانیا غران دوقہ لقی حکمی آلتندہ جمع ایلہ مش ایدی . قرالیت ویتول حوضہ سندن ، دوقہ لقی اراضیسی ایسہ دنیہ پر ایلہ بریہ ت آرمہ سندنہ کی اراضیدن متشکل بولنیوردی . دوقہ لقی مالیکی ، قرالیت اراضی سندن خلی واسع اولدینی حالہ دولتہ عنواتی ورن قرالیت اولمش ایدی . پولونیا ، اون النجی عصر دہ بر خلی فتوحاتہ بولنش ، اون یدنجی عصر دہ روسلر واسوچیلر بومکتساتی التدن آلمش ایدی .

اون سکزنجی عصر اورتہ سندنہ لهستان دولتی : شمالاً - بالطیق دکزینہ تماس ایدیور ، بالکز اورتہ سندنہ روسیا قرالیتی محاط ومحصور کی قالیوردی . شرقاً - شمیدیکی روسیہ نیک تا اورتہ سنہ (اسمولنسک) ہ قدر یکدیور ، (دونا) و (دنیہ پر) یدہ آشیوردی . غرباً - اودہر نہرینہ موازی بر خط عہدی ایلہ (سیلہ زیا) ، (براندبورغ) و (بومہ رانیا) یہ تماس ایدیوردی . جنوباً دخی - (قارپات) داغلریلہ مجارستاندن ، (دنیستر) نہری ایلہ دہ افلاق و بقدانہ حاکم بولنان دولت عثمانیہ دن آیریلیوردی . اقلیم سرت و شمال روزکارلینہ کشادہ در . تشرین تانیدن نیسانہ قدر قارہ یازین یا غمور اکسیک اولماز . اراضیسی زراعتہ مساعد ، (ویہ لیچقا) ، (بوخینا) ، (قراقوویا) مملجہ لری مشہوردر .

روزکارلرہ اولدینی کی انسانلر دہ آجیق اولان بوقطعہ دہ - بعض دفعہ کوچوک بر قومک بیوک اردولرہ قارشی بیلہ محافظہ موجودیت ایدہ بیلمسنہ مدار اولان عوارض

جغرافیه دن اثر یوقدی. نه تیره دکنزه منصب اولان دنیه پرو دنیستر نهرلری، نه ده شالده نیه من، ویستول نهرلری، کافی بر حائل خدمتی کورده مزدی. اولنر داخلده کی اقوامک یرلرینی بر برندن تفریقده مدار اوله بیلدیکی حالده خارجه قارشى بر حد فاصل اولامایوردی.

واقعا حدود طبیعی نظریه سی معارضلری، اون دردنجی لوتی دورنده (ووبان) سلسه استحکاماتیه وجوده کلن خط صنعیک، فرانسه یی استیلای اجنیدن قورتاردینی حالده ناپولیون دورنده حدود طبیعی نک، متفقلری پارسه کیرمکدن منع ایدمه دیکنی درمیان ایلیه بیلرلر. حدود طبیعی، بر مملکتک حامل یکانه مدافعه سی اولاماز. فقط اوزرندن آشیلیمسی ایجاب ایدن یوکسک صره طاغلر، جوشقون بیوک نهرلر-باخصوص اوزمانلرده-مدافعه ایچون فوائد عظیمه تأمین ایدمه بیلیردی.

لهستانک احوال اجتماعی

[۱- عرق و مذهب] — لهستانده وحدت جغرافیه نک فقدانی، وحدت سیاسی ایله تلافی ایدیله بیلسمه ییدی، بالطبع باشلی باشه بر سبب انقراض اولمایه بیلیردی. روسیه و پروسیا بویه یایمش ایدیلر. ۱۷۷۲ ده پولونیا، اون بش میلیون متجاوز اهالی به مالکدی که بونلر ای اداره ایدلسه، ای سوق اولونسه ییدی هر درلو تعرضاته مقاومت ایدمه بیلیرلردی.

حدود طبیعی به مالک اولمایان بودولت، بر جمع اقوام کبی ایدی. اوسطده لهیلر، غریبه آلمانلر، شرقده لیتوانیالیر و روسلر، و هر طرفده موسویلر. هر زمره نفوس آیری بر مذهب سالک بولونیوردی. آلمانلر، پروتستان، روسلر، اورتودوکس؛ لهلر و لیتوانیالیر — که اکثریتی تشکیل ایدیوردی — قاتولیک ایدیلر. لهستانده قاتولیکلرک وضعیتی فائق ایدی. پولونیا اسلاولری، قاتولیک ولاتینلشمش اولوب روم مذهب سالک روس اسلاولرینک قسم اعظمی بلع ایتک ایسته مشلردی. اولنر، لیتوانیا و کوچوک روسیه، قیزیل روسیه حاکم اولملر، عین عرقدن و فقط باشقه مشرب و مذهبدن بولنان بوقومشولری کندیلرینه تمثیله موفق اولامامشلردی.

زیر تابعیتلرینه آلدقلری اهالی کثیره ایله شرقه دوغرو مجلوب، فقط ضرب مذهب صادق اولان لهلر، اقلیتک مذهبنی اکثریته قبول ایتدیرمک ایستدیلر. اون آلتنجی عصرده اوچنجی (سیکیزموند) دورنده جزویتلر، اورتودوکس مذهب قارشى

برجدال آیدیلر . اون یدنجی عصرده Dissidents لر ، یعنی پروتستان و اورتودوکسلر مأموریتلردن اخراج ایدلدی . آنلرک زادکانلق امتیازاتی رفع اولوندی . بالآخره دیه تدن ده اخراج اولانه رق حقوق سیاسیهدن محروم براقلدیلر .

نهایت اهالیسی روم مذهبه سالک اولان ممالکده کتله عوام ، روسیه ، کنديسی اورتودوکسلرک باباسی و حامیسی عد ایدن چاره عطف انتظار استمداد ایتدیلر . منافسات مذهبه اهالی شرقیه نك عدم خشنودیمی اسباب مهمه سندن ومداخله اجنبیه وسائلندن بریسی اولدی .

(۲-صوف جمعیت) . — له جمعیتی ، روس هیئت اجتماعی سی کی ایکی صنفی احتوا ایدر: بر زادکان Noblesse ، برده کوییلر Paysans . زادکان ایله کوییلر آردسند بر صنف متوسط یوقدر ، له شهرلرنده همان هیچ (بورژوازی Bourgeoisie) یه تصادف اولونماز . ذاتاً (وارشوه) دن باشقه یالکز ایکی مهم شهرواردی بری بالطق اوزرنده (دانجیغ) ، دیکری آوستریا حدودنده (قراقوویه) .

۱۴۹۶ تاریخندن بری (بورژوا) لردن تصرف اراضی حق نزع ایدلدی . تجارت ، صنعت ، بانک معاملات ، مقدار کلی اهالی موسویه النده ایدی که اونلرک له ملیتی ایله یک صاغلام برعلاقه لری یوقدی .

[زادکان] — Ordre équestre یعنی سواری صنفی تشکیل ایدوب بونلر طوپراغک حق تصرفه ، رقبه سه مالکدی . یالکز آنلر حریتلرینه صاحب ایدیلر . مجموعلری بر بچق میلیون نفوسه بالغ اولیوردی . اساس اعتباریله بتون زادکان مساوی ایسه ده فعلیاتده آنلر بیننده اوچ صنف تمیز اولونوردی . ۱- بیوک زادکان ویا (ماغنالر Magnat) ، ۲- متوسط زادکان ، ۳- کوچوک زادکان .

بیوک زادکان — بالخاصه لیتوانیاده ساکن اولوب ۳۰۰ عائله قدر واردی . بونلر میاننده ده اوچ درت عائله ، قرال خاندانلری کی ذی حشمت و ثروت ایدیلر . بو عائله — لرک رئیس لری ، حقیقی حکمدارلر مثابه سنده بولونیوردی . بونلردن اک مشهورلری ، (چارتورسکی) لر ، (راجیویل) لرله (پوتوکی) ، (لوبومیرسکی) خاندانلری ایدی . بو درت بش عائله نك بر آز دوننده ده آاز زنکین اون ایکی قدر عائله واردی آندن سوکره اراضی وسیعه صباچی ۳۰۰ زه قریب عائله کلیوردی .

صنف متوسط زادگان ایسه هربری بر ویا ایکی قریه به مالک جمعاً ۳۰,۰۰۰ قدر عايله ایدی که بونلرک اهمیتلری ده استخفاف ایدیله مزیدی .

کوچوک زادگانه کلنجه بونلر عادتاً زادگانک آياق طاقی ایدی . بوصوکنجی صنف اصیلر ، ماوی الیسه گیمک ومهموز طاقق حقوقه مالکیتلرندن دولای مفرور و مباحی ۱,۳۰۰,۰۰۰ قدر کبار ایدی . اکثریا بتون ثروتلری برقیلیچ ، بربارکیر ، بالذات زرع ایدیلن برپارچه اراضی ایله بعضاً چیلاق طوبوغه بیله طاقیلان مهموزدن عبارتدی .

بوقسم زادگان حقند دینیلوردی که : « کوپکلری ، مالکانه لرینک تام اورته-سه اوطوردینی زمان قویروغی قومشونک تارلاسنده سورونور ، بودولت دوشکونلری ، درد معیشتله دیه تلمده رأیلرینی ساتارلر ایدی . کچمک ایچون کندیلرینه معاونت ایدنلره عرض خدمته مهیا ایدیلر .

برده مقام حکمداری به مخصوص بعضی واردات ویرن اراضی starostie واردی که آنکله قرال ، ارباب صداقتی تلطف ایدردی . بونلرده روابط تابعیت یوقدی . یالکز (استاروست) دینلن ذات ، فقرانی اعاشه وتسلیح ایله خدمتنده طوتاردی .

رهبان ، برصنف دکلدی . پسقبوسلر ، بیوک عايله لر اعضاسی آرهدندن آلنیردی . انلرک مادوننده کوی پاپاسلری ، ماغانلرک دوننده کوچوک زادگان کبی برنوع صنف سافل رهبان تشکیل ایدردی . بونلر ایچون شرائط حیاتیله اوقدر پارلاق دکلدی .

[کوبیلر] - لهستانده اهالی قرال ، اسرای ارضیه serf در . بیوک قازیمیر دورندن بری پولونیاده main-morte جاری دکلدی . بوکله ، اصطلاح حقوقده ، براسیر ارضک ذریقی اولمادینی تقدیرده مالی وصیت ویا آخر صورتله دیلدیکنه ترک وتفرغ ایده مه مسی وبومالک کندی مولاسنه قالمسی دیمکدر . بواصول قالمغه برابر کوبیلر تماماً ارضه مربوط ایدیلر . قراللر وبالخاصه ایکنجی (سیکیزموند) ، آنلری اوزرلرنده حق حیات و ممات ایله اراضی صاحب لرینک حکمنه ترک ایله مش ایدی . بونلر ، بیوک فره دریه ک دیلیدی کبی کندیلرینه آدم معامله سی دکل ، یوک حیوانی معامله سی ایدن زادگانک کیفنه تابع ، ایستلیدی قدر آنقاریه به متحمل اولوب ویرکولر منحصر آنلرک بویننده ، حقوقه اهلیتلری مفقود ، شرائط حیاتیله لرندن قورتولملری غیر ممکن ، قورومش بالیقندن معمول قولوبه لرده

مقیم، پلاسپاره لرله ستر عضو ایدن، آغاج قبوغندن قوندره لر گین بر سوری
بیچاره لر ایدی.

برانکلیز مورخک قولته کوره «له کویلیری، دنیا یوزنده موجود اقوامک الک
فقیرلری، الک اعتسافدیله لر، الک سفیلری ایدی، خیلی زماندن بری له اهایسنک
سفالتی ضرب مثل حکمنه کیرمش ایدی. زادکان، کویلیری نه اطلاق، نه ده مقدراتلری
اصلاح ایله مکی دوشونمورلردی. اجنبی حکمداران له ملیتندن هر درلو امکان قوتی
بروجه پشین تزع ایدن بوافراق عمیق صنوفدن مهارتله استفاده ایلدیلر.

لرستانک تشکیلات سیاسی

[۱- قرال، اتخابی و قوودی «باقاقونوونه» لر] - له دولته رسماً (لهستان جمهوری)
دینوردی. فقط جمهوریتهک رأس اداره سنده بر قرال واردی. بدایه آرئی اولان سلطنت،
اون آلتنجی عصرده یاکه لون سلاله سنک انقطاعی اوزرینه اتخابی اولمش ایدی. قرال،
زادکان طرفدن اتخاب اولونوردی. هیچ بر بیوک خاندان، سلطنتی، کندیته تأمین
ایده ممش ایدی. اون آلتنجی عصردن بری لهر، کندی ملتزدن بر حکمداره
تابع اولمایوب قرال لری هپ ممالک اجنبیه دن تدارک ایتکه باشلادیلر.

۱۵۷۲ ده ایلك منتخب قرال بر فرانسز پرنسی اولمش ایدی: (هانری دووالوا) -
که (دوق دانزو) ده دینیر - مشارالیه، آز زمان صوکره اوچنجی هانری نامیله
فرانسز تخته قعود ایتدیکندن پک آز مضبوط اولان لهستان تاجنی ترک ایله دی.
اساس اعتباریه اتخاب، وارشووه جوارنده (وولا) اووه سنده آتلیله، سلاحلریله
مجمع اولان بالجه زادکان طرفدن اجرا ایدلمش ایدی. اورته ده برخندقه وجوده
کتیریلن بردآره - که (قولو Kolo) دینوردی - ایچنده ماغالرله دیگر زادکانک وکیللری
طوپلانیوردی. بونلرک حضورنده نامزدلرک اسملری اوقونوره، دائره خارجنده سواری
بولوکلری حائده مجمع زادکان، بواسملر ایچندن قرالی آقیشلرله اتخاب ایدردی.
ازجمله ۱۷۳۳ ده (استانیسلاس لفقجنسکی) بی آقیشلایانلر ۶۰,۰۰۰ کشی ایدی.

اجنبی سفراسی، کندی حکمدارلرینک توصیه کرده سی اولان نامزدلری تکلیف
ایتمکه کلیرلردی. مجار، اسوچ، ساقس پرنسلری، آرتق ملی اولمایان قرالنی
آره لرنده چکیشیرلردی. ساقس الکتورلری ده آزهله کلی کوروندکلرندن دائما

انتخابی اولان فقط همان همان برزعامت fief کی وارثله انتقال ایدن لهستان تاجنی برمدت کندی خاندانلرنده تثبیت ایتکه موفق اولدیلر. مملکت، بوسورتله، اجنیلره تسلیم ایدلش دیمکدی. ناصل که مجادلات مذهبه ایله ده روسلره آچیلش ایدی.

قرالک آنجق لفظی مراد برنفوذی واردی. او، دیه تی دعوت ایدردی. فقط آنی تمديد ویا فسخ اقتدارینه مالک دکلدی. قرال، اجنبی حکمدارلرینه قارشى لهستانی تمیل ایدیوردی. لکن قانون وضع، حرب اعلان، صلح عقد، عسکر جمع، ویرکو طرح ایدمکدن باشقه جمله سی قید حیات شرطیه منصوب اولان نظار و ووبووده لر، بالائن یعنی والیر اوزرنده هیچ برصلاحته مالک دکلدی. قرالک بیوک امتیازی، اداره عدلیه ایدی. (هازی دووالوا) برکون دییوردی که: «تحف شی! بولهلر بنی حکمدار دکل، حاکم یابدیلر.»

۱۵۷۲ ده بوقرالک انتخابی ائناسنده لهستانده خیلی مقدار پروتستان واردی. ووقت لهلر متعصب دکلدی. صوکره لری دها متعصب اولدیلر. بو تعصبزلق، تساح حسی نتیجه سی اوله رق له ملتی، قاتولیک غیرتکشی اولسندن قورقدقلری فرانسز نامزدندن تبعه مستقبله سنک حریت وجداننه رعایت ایدمکچی حقنده برتعهد طلب ایتدیلر و آکا نائل اولدیلر. بومعامله (پاقتاقونونه نئا Pacta conventa) لرك یعنی پولونیا تختنه انتخاب وقوعندن اول نامزدلرله منتخبلر آره سنده بعدازین عقدی معتاد اولان مقاولاتک یلک مثالی اولمشدر. «بزنی حکمدارلره قبول ایدر زاما شوشرطلرله!» کی برمعنای متضمن اولان بومقاولات، اولاً قراللق ایچون، بعده لهستان ایچون پک مشوم نتایج حصوله کتیرمشدر. بومقاولات خصوصیه ایله زادکان، قرالدن متبادیاً امتیازات جریدیورلردی.

فیالحقیقه بومقاولاتک جمله سی، قرالک کندی تبعه سنه قارشى بر فراغت و تسلیمینی تضمن ایدردی. جمله سنک موضوعی قدرت قرالینی تحدید ایتک و نهایت تدریجاً ایکی عصردن آز برمدت ظرفنده بوس بتون هیچه ایندیرمک اولمشدر. اول صورتله که قرال آنجق، سوس کی بر شخصیت Personnage décoratif ویا دینلدیکی کی ملتک خادمی اولمش ایدی.

لهلر قراللرنده برمظاهرت، براستادگاه بوله جق یرده، آنی-لهلی اولدینی تقدیرده بیله-

معاونت اجنیه ایله اکتساب قوته چالیشان بر حکمدار بولیورلردی . نته کیم لهستانک اوج قسیمی ادراک ایدن (بونیاتوفسکی) نك دور مشوم سلطنتی ده روس سونکولرینک حایه سی آئنده بر جلوس ذلیل آچیلش ایدی .

[۲ — دیته ، لیه روم ووتو ، قوفقه ده راسیون] — لهستانده ایکی مهم هیئت موجوددی : بری قرائینک اجله رجالی و ماغزالری آره سندن قرال طرفندن منتخب و ۱۴۰ اعضادن مرکب بر (سناتو sénat) ، ایکنجیسی اورته و کوچوک زادکاندن هر ایکی سنده بر هر ولایتده ، هر بالایتاده مجالس محلیه diettine طرفندن منتخب ۱۷۰ قدر اعضادن مرکب بر (Chambre des Nonces) ایدی . اونلر بر وکالت تقییدیه Mandat impératif آلیرلر و ختام وکالترنده مؤکلرینه کوردکلری ایشک حسابی ویرلردی .

سناتو ایله نونسر مجلسی هرا یکی سنده بر آلتی هفته قدر امور دولت حقنده مشترکاً مذاکره ایدر ، بوصورتله مجتمع هیئت (دیته Diète) ی تشکیل ایلردی . قرال ، دیته طرفندن منتخب بر (مارشال) ک معاوتیه دیته ریاست ایدردی ، فقط مقررات متخذیه تصدیقن باشقه صلاحیتی یوقدی . دیته اعضاسی آتلی اوله رق علنی و عمومی صورتده طوپلانیرلر ، گورولتولی بر طرزده مذاکره ایدرلردی . تماشا کران ، سناتورلر ایله نونسر آره سنه سلمه السلام قاریشیرلردی .

۱۵۰۵ ده (رادوم) دیته ، مقررات هیئت تشریعه ایچ-ون اتحاد آرای شریط قیلان بر قانون وضع ایتدی . (ووتو) حقنی استعمال ایدن برتک مبعوثک مخالفتی ، بر مذاکره ی ابطاله ، بر ایشک جریانی توقیفه کافی ایدی . بو (لیه روم ووتو liferum veto) ایدی که بر اساس اختلاف و تذبذب اولمشدی . بر مبعوث (ووتو veto) یعنی « مخالفت ایدرم » دبدیمی ، دیته ، آرتق مساعیسی تعقیب ایتکمزین آیریلیر و بو حاله دیته « déchiré » منکسر اولدی ، دنیلردی .

لیه روم ووتو حق ، ایلک دفعه ۱۶۵۲ ده (زان قازیمیر) دورنده تام روسیه واسوچ ایله حرب ایدیلدیکی اتاده (اوپیتا Upita) نونسی (بیه رسی جنسکی) اسمنده بر له طرفندن استعمال ایدیلهرک (دیته) ک انفساخنی موجب اولمش ایدی . دیته لر ، اکثریا مباحثه لریک مشاجره لره منقلب اولدینی بر رجاده کاه اولوردی .

شایان دقت در که (۱۶۵۲) دن (۱۷۶۴) سنه سنه قدر (۱۱۰) سنه ده منعقد
(۵۵) ديه تدن (۴۸) ی منکسر اولمش يالکمز (۷) سی بر حسن نتیجه به اقتران ایتشدرد .
بالطبع پوشرائط داخلده اداره حکومت محال ایدی . تا ۱۶۹۴ ده وفات ایدن له
ادبا-ندن (قوچووسکی) دیوردی که:

« جناب حق يالکمز بر کله ايله (fiat) (*) دنيایي ياراتدی . بزده برتک کله ايله (Veto)
قوجه بر مملکتی محو ایدیورز .»

(ديهت)ك بر (وهتو) ايله ختایي، زادكانك قونفده راسيون حالده طوپلانسی تصویرنی
انتاج ایتدی . مراصيل، عائله عساكري troupes de famille بسله مکه صلاحیتدار اولدیغندن
(لیه روم وهتو) سی ايله ديه تی کسر ایتدکن صوکره دیگر زادكان ايله بر قونفده راسيون
تشکیل ایدمك قوته مالك بولنوردی . بوقونفده راسيونلر طوپلانوب بر (قونتر ديهت)
تشکیل ایدم بیلرلردی . او وقت وهتو جاری اولماز؛ مقررات اکثریت آرا ايله اتخاذ
اولنوردی .

فقط اکثریا قونفده راسيونلر بر بریله چارپیشور و حرب داخلی ظهور ایدیوردی .
حکومت نه قراللق ايله، نه ده قدرت حکمرانیی حائز و فقط آنی انقضاء و اجراده
امکانسز لغه معروض بولنان ديهت ايله ثابت بر حالده دکلدی .

[۳-اردو]. — واقعا لهستانده رسماً براردو واردی . فقط قرالک، قوی براردو سایه سنده
بر تفوذ احراز ایدم مسمی ایچون ۱۷۱۷ ديه تی، عساكرک موجودینی پولونیا قرالیتی
ایچون (۱۸۰۰)، لیتوانیا عراق دوقه لنی ایچون (۶۰۰۰) کشی به تنزیل ايله مش ایدی .
ایکی اردونك باش قوماندانلری، ایکی خطمان Hetman لر بتون رجال مناصب
کبی قید حیاته منصوب ایدیلر و آنجق ديهته مربوط و تابع بولنورلردی .

زادكان، يالکمز ضابط اولمق ایسترلردی . بویوزدن بعض آلایلرده اوج نفره بر ضابط
اصابت ایدردی . علی الخصوص بونلر صنف سواریده خدمت ایتمك آرزوسنده ایدیلر .
له زادكانی شووالیه لك Chevalerie زمانلرینه مربوط قالمشلردی . آنلر آنجق آت
اوزرنده حرب ایتمك ایسترلردی . گزیده عسکرلری اولان (هوسار Hussard) لر،
لباس و سلاحلرینك زینت و حشمتی و حیوانلرینك کوزلکی ايله اوروپانك اك کوزل

(*) (کن) امری .

سواربسی تشکیل ایدیورلردی . هر هوسار رفاقتمده برقاج میراخور ، سلحدار و اوچ خدمه بولونیوردی .

جبه جیلر دخی شایان دقت ایدی . قازاقلر ، اولاحلر ، قاتارلر خفیف سوارایی ترکیب ایدردی . پیاده صنفی ، آنجق سفیل کوبیلر آرمندہ طوبلانمش محدود المقدار یرلی ایله حدود خارچندن جلب ایدلمش برقاج بیک آلماندن مرکب ایدی .

لہلر ، اجنبی اردولرینک احراز ایتدکلری ترقیاتی تعقیبه قویولمادیلر . مع مافیه طوبیلانی نظر اعتباره آلمانازلق ایدہمدیلر . شونسبتدہ کہ عموم طوبیجی ہیئت (۱۰۰) کئی وطوبخانہ ناظرلری هنوز سن رشدہ واصل اولمالمش برچوجق ایدی .

ولادیلاس یا کہ لون دورندن یری لہلیرک طوبلری ونهرچکمک ایچون کوبریجیلک ادواتی واردی . برسیاح وارشووی طوبخانہسندہ یالکز برعصرلق اسکی برقاج طوب قالدیغنی ، اونلرکده پاسلانمش اولدیغنی ویان تحتلر وتکرلکلر مأمورین طرفندن آلتوب محروقات اودونی حاله قلب واستعمال ایدلیدیکی وبونلرک قونداقسز بولوندیغنی حیرتله مشاهدہ ایلمش ایدی . لہلیر ، اک زیاده سواری هجوملرینک شدتنه ومزراق استعمالندہ کی مهارتلرینہ گووہ نیرلردی .

ظفرک شجاعندن زیاده فنون عسکریه ایله استحصال ایدلیدیکی بردوره حلول ایلمش اولدیغنی حاله لہلرک شجاعی الآن داستان حکمنده ایدی . لہلر ، شجیع ایدیلر . فقط عسکر دکلدیلر . استیلای خارجی تحقق ایتدیکندہ دشمنه احراز ظفر ایچون pospolite یعنی بتون زادکانک فقیرعام صورتیلہ طوبلانمشک تأثیرینہ سادہ دلانہ براعتقاد بسلرلردی . فقط وقت وزمانندہ انضباطلی و مانووره قابلیتنی حائز ، چالاک بر اردو تشکیل ایدہملری حسیله جسور له زادکانی پروسیا ، روسیه وآوستریا اردولری طرفندن قولایجه ازلدیلر .

لہستانه اضمموانک امبابی

مورخ شہر (آلنرہ درامبو) یہ کورہ :

باشلوجہ اوچ سبب ، اسکی جهوریت قرالیہ نک انقراضہ باعث اولبورددی :

اولاً — روسیہ دہ ملی حرکت ، کہ ضرب جہندن موسقوفلنک تمامیتنی احرازہ

وہ وخرارینک قولنجہ مقدا (سن ولادیمر) ممالکندن اولان ایالتلری (یعنی بیاض، سیاہ و کوچوک روسیہلری) استردادہ معظوف بولونیور ایدی.

ملیت مسئلہسی، و قیلہ (آلکسی میخایلوویچ) دورندہ لہ دولتنک ایلک برانقسامنی انتاج ایتمش اولان مذهب مسئلہسی ایلہ اختلاط وکسب وخامت اییدیوردی. لیتوانیادہ اونیات Uniate لک تحریکاتنه قارشئ شکایات جوغالیوردی. چوق دفعہ روسیہ، دیپلوماسی طریقہ مراجعاتدہ بولوندی. ۱۷۱۸ و ۱۷۲۰ تاریخلرندہ بویوک پترو، مذهبداخلرینک معروض اولدقلری سوء معاملہ لردن شکایتی حاوی اوله رق ایکنجی اوکوستہ بعض تبلیغات تحریربده بولنش ایدی. اوکوست، نشر اییدیکی براراده ایلہ اورتوقس مذهبک سربستی اجراسنی تأمینہ چالیشدی. فقط بوفرمان اجراسز قالدی. زیر قرالیت، رهبان وجزویتلرک غیرت مفرطہسنی توقیف، ضابطاتک قدرتلرینی سوء استعمال ایلہسنی منع وتادیب، وروم مذهبہ سالک کویلیلری سہنیور Seigneur لرینہ قارشئ حمایہ ایدہجک قدر قوی دکلدی. ۱۷۲۳ دہ پترو، مداخلہسنی طلب ایتمک اوزرہ پایاہ مراجعت ایتمش وحتی کندی، ممالکندہ قاتولیک کلیساسنہ قارشئ مقابله بالثلیدہ بولونہجفی دہ مقام تہدیددہ بیلدیرمش ایدی. پایا، پترونک تکلیفی قبول ایتدی وتعدیات دوام ایلدی.

ثانیاً — لهستان اقراضنک ایکنجی سبی، پروسیانک امل واحتیاجی اولمش ایدی. غربی پروسیا یعنی ویستولک مجرای اسفلی ایلہ دانجیغ وتورن لهستانک الئدہ ایدی. لهستان، شرقی پروسیایی براندبورغ سلطنتک اقسام سائرہسندن آیرییور، وبوصورتلہ سلطنت مذکورہنی ایکی پارچہسی برلشہمین، سوء تشکل ایلہ معلول بردوات حالہ قوییوردی. پولونیانک اشغال اییدیکی بو ممالکدہ آلمان استعماری، بالخاصہ شہرلردہ بویوک بروست و انکشاف آلمش ایدی. فضلہ اوله رق وارشوہ حکومتی اورتودوقسلر حقندہ یابدینی کبی پروستان مذهب سالکینی حقندہ تصدیقات واعتسافاندہ بولہجق قدر بی نصیب حسن تدبیر ایدی.

ثالثاً — لهستان، اون سکزنجی عصرک روحنی تشکیل ایدن فکر اصلاحاتہ لاقید قالامازدی. پونیاتوفسکی ایلہ لهستانک الک منور رجالی، کندی مملکتلرندہ حکمفرما اولان آنارشئ ایلہ قومشو دولتلردہ تقرر وتأسس ایدن انتظام وانضباط آرہسندہکی مہایتنی تمامیلہ حس اییدیورلردی.

روسیا، روسیا، آوستریا کندی مملکتلرنده دولت عصریه بی تأسیس ایله قرون وسطانک متفرق قوتلری انقاضی اوزرنده حکومت مرکزی بی تقویه و فرانسز فیلسوف و فیو قراتلری طرفدن نشر و توصیه اولسان اصلاحاتی اجرایه چالیشیرکن لهستان، هر یکی جلوسده قرالیتی قوتندن تجرید، قوه ملییه بی ضعفه الفا، دره بکک دوری عنعنانه ثبات صورتلریله قومشورینه بالکلیه معکوس برطریق تعقیب ایتیش ایدی. لهستان، بتون حدودلری اوزرنده اعظمی قوت و قدرتلرینه واصل اولان اروپا سلطنتلری اورتیه سنده اونبرنجی عصر دولتی حلاله قالیوردی. او مجاور دولتلرک اویله برتقدم و تقوق احراز ایتسنه مساعد بولوندی که بالاخره کنديسی اصلاح ایچون واقع اولان تشبیهی انحلالنی تعجیل ایتدی.

لهستانک احوال اجتماعیه سی بالاده ایضاح ایدلدی.

اقتصاد نقطه نظرندن لهستانده Serf اسیر ارض حالده بر ملت طرفندن ایشلدیلن یک ابتدائی برزراعت، یک آز تجارت واردی. صنعت، مالیه عمومیه یوقدی. سیاست نقطه نظرندن بیوک عائله لک رقابتی، (دیهت) لک آنارشی حالی، نفوذ قرالینک ضعیفی، باقاقونونه تناء، لیبروم و و توه، قوتفده راسیون ونهایت اجانبک مداخله سی دعوت ایتک و رأیلرینی آنلره صائمق عادت قدیمه سی قانون حسنی، دولت فکری بیله تماماً محو ایتیش ایدی.

عسکرک نقطه نظرندن لهستان، دره بکک دورینک انضباط سز میلیس لرینی آکدیریوردی. زادگان سواریلرندن باشقه نه پیاده سی، نه ده کافی درجه ده طوبچیسی واردی. هر طرفدن آجیق اولان حدودلرنده همان هیچ برقلعه واستحکام موجود دکلدی. (موریس دوساقس)، یازدینی «تخیلات» Reverie نده لهستانی فتح ایتک ایچون قرق بیک کشی کفایت ایدم جکی سوبلیوردی. [*]

دوق دو (بروغلی)، (قرالک سری) عنوانی اثرینک بر صحنه سنده لهستانک اسباب عدیله اضمحلالندن شو صورتله بحث ایدیور:

«بر ییچ میلیون زادگانک، اراضیه مربوط بتون برماتی قید اسارت آلتنده طوتدینی - و بتون بوزادگان ده موقراسیسنک کندی بینلرنده مساوات حقوقه مالک وجهه سنک

مزاراخی آئنده یاخود قیلیجی بلنده امور مشترکەنک اداره سنه عین صفت و صلاحیتله مشارک بولوندیغی ، - اتحاد آرا ایله موافقت حصوله کلدکجه هیچ برقرارک صادر اوله مایه جنی فقط اکثریتک هر لحظه مقاومتی خصوصی قونفده راسیون حالده ترتیه حتی اولدیغی و حرب داخلینک بوصورتله تأسیسات قانونیه دکلسه بیله طادات جائزه عدادینه قوندیغی دوشوناسون و قرالک هر اصلیک اسلحه سیله مجهز و بارکیرینه را کب اوله رق بر اجتماع عمومی حالده انتخاب ایدلیدی و قدرت حکمرانینک ، یالکز انتخابی دکل ، بلکه شروطه معلق و هر سلطنتک بدایتده تجدید ایدیان بر مقاوله خصوصیه نک کنیدیسنه براقه بیلیدی امتیازدن فضلله بر صلاحیتی غیر حائز بولوندیغی - هیچ بر ضابطه موجود و دائمی بر اردونک گولگه سندن باشقه برشی مشهود اولما بوب فقط دائما ایلك دعوته مهیا انضباطسز بر سوری سواری کورلدیکی - امور عدلیه بر حزب غالبک ، محکمه ده قیلیجاری یانلرنده اوله رق اجتماع ایدن متخبرلی طرفدن رؤیت اولوندیغی تصور اولونسون ؛ بونلر بر مهاجرین مستولیه اصول اداره سندن ، متصلب بر موجّه استیلادن باشقه برشی میدر ؟

غیر محدود بر اراضی اوزرینه کلیشی کوزل یاییلمش بدوی بر قبیله نزدنده ، بویکی تأسیسات لیبروم و و تو ، قونفده راسیون حتی ، و پاقانونونه تالار یعنی لهستان قانون اساسیسنک بواوچ غریبه سی ، پک بسیط برشی اوله بیلوردی .

لهستانه ارزمنه مجاز دولتک آمالی

ایضاح ایدیلن تشکیلات و احوال ، لهستانی ، بلاشک اقراضه محکوم قیلیوردی . بعض ارباب بصیرت بونتیجه یی خیلی اول تقدیر ایتشلردی . حتی وازا خاندانندن سوک له قرالی اولان (ژان قازیمیر) ، کندی زماننده بولونیده کوریلن منافساتک نتایجی بر عصر اول کوردی و کوستردی . ۱۶۶۱ ده پولونیا دیه تنه خطاب ایتدیکی بر نطقنده دییوردی که : « مجادلات داخلیه من آرمهنده ، جمهوریتک دوچار استیلا و انقسام اولسندن قورقمالی یز . تمنی ایدرم که جناب حق کهانتی تکذیب ایتسین ، موسقوفلر ، کندی لسانلرینی تکلم ایدن برملتی قولایجه زیر اقیادلرینه آله جقلردر . لیتوانیا غران دوقهانی ، بیوک پولونیا ، و روسیا ، الکی براندبورغ خانداننک الری آرمهنه دوشه جکدر . بواضمحلال کلی ائناسنده آوستریاده اونودلمایه حق ، آنک حصه سی ده قراقوویه ایله جوارندن عبارت اوله جقدر . »

شکایت اولئان احوالک چاره سی بولونامدیغندن تفرس ایدیلن نتایج مشئومه تحقّق ایتدی . لهستانده کی آنارشئ ، اون آلتنجی عصر دن بری مجاور دولتلرک حرصلرینی تحریک ایدیوردی . اون سکزنجی عصر اوئلنده دوت دفعه اسوچیلیر ، پروسیالیر ، روسلر ، آوستریالیر ، لهستانی مقاسمه ایچون آنک ضعفندن استفاده تصورنده بولوندیلر . پروسیا دولتی ۱۷۰۰ ده اسوچ قرالی اون ایکنجی شارل ایله ، ۱۷۱۱ ده چار برنجی پترو ایله ، ۱۷۲۳ ده ایکنجی اوکوست ایله بولونیا تقسیمنی موقع مذاکره قویمش ایدی . ۱۷۳۱ ده پروسیا قرالی (فرهدریق کییوم) ک برناظرینک تعبیری وجهله « چوره کی تقسیم partager le gâteau » ایتمکده اک زیاده ذی منفعت اولانلر روسلرله پروسیالیر ایدی . چونکه روسلر ، بوصورتله اوروپایه ده از زیاده یا قلاشمش اوله جقلردی . پروسیالیر ایچون مقاسمه ولی عهد فرهدریقک دیدیکی کبی « پروسیا قرالیتی ایله براندبورغه ، آنلر آره سنده حد فاصل اولان له پروسیا سی دیکمک صورتیله پروسیا دولتنک وحدتی اکال ایده جکدی .

فقط مقاسمه ممکن اولق ایچون بولونیانک عین آنارشئ حالنده قالمسی و آنی بو حالدن قورتارمق ایچون هیچ برجهد مشر صرف ایدله سی لازمدی . بونقطه نظر دن لهستانک مختلف فرقه لره آیرلمسی ، ایکنجی قاترینه ایله ایکنجی فرهدریقی خوشنود ایده جک احوال دن ایدی .

موجود ایکی فرقه دن بری (راجیویل) خاندانک اداره سی آلتنده اولوب غنضات قدیمیه ، امتیازات زادگاه ، لیه روم وه توبه پک مربوط یعنی (محافظه کار) ایدی . (چارتوریسکی) خاندانک ریاست ایتدیک فرقه ایسه اصلاحات ویکی بر قانون اساسی طرفداری یعنی (ترقی پرور) ایدی . بوقسم (ماغنا) لر ، تهسکینی حس ایتدکری ایچون وطنلرینک تخلیصنه قانون اساسیلرینک اکال و اصلاحیه چاره بکلورلردی .

اوزون برمدتن بری ساقس اکتورلکی خاندانی عهده سنده تقرایتمش کبی کورون لهستان تاجی ، ۱۷۶۳ سنه سی تشرین اولنده اوچنجی اوکوستک وفاتیه انحلال ایتدی . اوکوستک دوت اوغلی موجود اولغله برابر هیچ بری لهستان قرالغنی احراز ایدممدی . بوکا مانع ده ایکنجی قاترینه ایله فرهدریقک تصوراتی ایدی .

بویکی قومشو حکمدار ، برمهاده اتفاقیه امضالادیلر . بعده برمقاوله ده عقد ایدهرک (۱۱ نیسان ۱۷۶۴) آنکه لهستانده موجود قونستیتوسیونی ادامه ایتمکی یعنی

تعدیل و اصلاحیه مساعدہ ایلہ مہمکی ولہستان تاجنی، قاترینہ نک۔ کیم بیلیر قاجہجی۔ سوکیلیسی کنج واصل برلہہ (استانیسلاس پونیاتوفسکی) یہ توجیہ ایتمکی تعہد ایدیورلردی .

جاریجہ ، پونیا توفسکی کی کنندی سیاستک مطیع برخدمتکاری ایدہ جکنہ قاعدی (چارتوریسکی) لر ، کوستردیکی نامزد انتخاب ایدیلنجہ قاترینہ نک آرتق اصلاحاتہ مساعد اولہ جغنی براعتہاد سادہ دلانہ ایلہ اعتقاد ایدیورلردی . قاترینا ، (پونیاتوفسکی) نک انتخابی تأمین ایچون لهستانہ ۴۰,۰۰۰ عسکر کوندردی . بوعسکر تا (واردشوہ) یہ قدر کلدی . روس قواسی قوماندانی پرنس (رہ پنین) ، دیہ نک مذاکراتی زورلہ سوق وادارہ ایلدی . اقلیتی تشکیل ایدن (وطن پروران) زمرہ سی ، بوش یرہ پروتستو ایتدی . قلیچلرینی چکدیلر . (دیہت) ک مارشالی ، غیر مساوی بر مبارزہ نی منع ایچون آرمیہ کیردی . مخالفین ، آسامبلہ نی ترک ایتدیلر واستانیسلاس پونیاتوفسکی ، قرال انتخاب ایدلدی (۱۷ ایلول ۱۷۶۴)

(استانیسلاس پونیاتوفسکی) ، قاترینا نک کوزدہ سی اولملہ برابر دیگر طرفندہ جارتوریسکی لڑک یکنی ایدی . بناء علیہ آنلرک تنظیمات تشبثاتی تعقیب ایتملرینہ مساعد بولوندی .

اول امرده (لیہ روم وەتو) اصولی الفا ایتمک ومأمورلری قرال حضورندہ مسئول قیلمق مسئلہ لری موضوع بحث اویوردی . بواصلاحات پروگرامی - اصلاحاتہ برلکدہ روسلرک محمیسی بولنان پونیاتوفسکی علیہ نہ دخی مجاہدہ ایتدیکندن دولانی - کندیلرینہ (فرقہ وطن پروران *parti patriote*) عنواتی ویرن برحزب کثیرک مقاومت وممانعتہ معروض اولدی .

بولونیا وفرانسه نک منافع حقیقیہ سی ادراک ایدہ مہمک نتیجہ سی اولہ رق (شووازل) ، بووطن پروران فرقہ سنہ ابراز مودت وتشویقات ایدیوردی . بوذات ، روسیہ نک سیاستہ بو صورتلہ ممانعت ایتمکی دوشونہ رک بولونیانک سلامتی تأمینہ مداراولہ بیلہ جک اصلاحات ایچون اتحاد وامتراج اہم والزم اولدینی برصرہدہ سادہ فرقہ اختلافاتنک دوامہ چالیشدی . وطن پرورانک مساعیسنہ رغماً اصلاحات ، برقوقفہدہ راسیون طرفندن قرارلاشدیرلدی . دہا اولمردرلو تعدیلات اصلاحیہ ممانعتہ قرار ویرن قاترینا ایلہ فرہ دربق ، بوکا نمون اولمادیلر ولاینقطع دوام ایدن مجادلات مذہبیہ نی وسیلہ ایدہ رک مداخلہ یہ تصدی ایتدیلر .

روسیا وروسہ سفر اسندن بری پروتستانلر ، دیگرى اورتودوقسلر لهنده سرد مطالب ایلدی و آنلردن هر درلوحقوق سیاسیه یی نزاع ایدن تداییرک کبری آلتمنسی تکلیف ایتدیلر (۱۷۶۶) غیرت تعصبله قاتولیک رؤسای روحانیه سی بتون تداییر اشتلا فجویانه یی رد ایتدی . او وقت قاترینا ، کندی مذهبنده بولسان اهلای یی یعنی روم اورتودوقسلری زیر حایه سنه آلدی .

فره دریقک ، وولتره یازدینی کبی « طوب و سونکو ایله مجهز براهین » اولان روس اردولری ، یکیدن پولونیایه کیردیلر . آنلرک نظارتی آلتنده دیهت ایچون انتخاباته باشلاندى . اجتماعک کشاندن اول ، روسیه سفیری اولوب لهره چوقدن بری روس تبعه سی ایتمشکبی معامله ایتکده اولان قونت (ره بنین) ، مواعید ایله ، تهدیدات نونسلرک اکثریسندن ایکنجی قاتریناک آرزولرینه انقیاد ایدم جکلرینه دائر تأمینات آلتش ایدی . مع مانیه پولونیانک مرکز مذهبیه سی اولان قراقویه پسقپوسی (سولتیق) ، دیهتده مداخله اجنبیه علیه رفع آواز اعتراضه وقارپنه ایله فره دریقک مطالبک ردی ایچون اصراره متجاسر اولدی .

روس سفیری (ره بنین) ، آنی ودیکبر قاقچ مبعوثی روس نقراتی معرفتیه در دست ایدمک پولونیا خارجنده (اسمولنسق) ، قدر سوق ایتدی . اوراده قالان دیگر اعضایه ، کویا اومملکتک صاحب و آمری ایتمش کبی اداره کلام ایدن و آنلردن « انقیاددن باشقه برشی قبول ایتمین » سفیر ، قاتولیکدن ماعدا مذاهبه قارشى موضوع قوانینک کیری آلتمنسی و هر درلو قانون اساسی تعدیلات و اصلاحاتندن صرف نظر اولونمنسی وبالخاصه قانون اساسینک مجوهری Joyau de la Constitution تسمیه ایتدیکی (لیه روم ووتو) نک اعاده مرعیتى تخویف و تهدید ایله قبول ایتدیردی . (۲۴ شباط ۱۷۶۸)

بار قوتفده راسیرلی

شوصوک تدبیر، فرقه وطن پرورانی نمون ایتمش ايسه ده اورتودوقسلر ایله پروتستانلر علیه ده کی قوانینک الفاسی مسئله سی افعال و هیجانلری موجب اولدی . لهستان امور داخلیه سنه اجانبک مداخله غنیفه سی ، عاقبت غرور ملی یی ایقظ ایلدی . مملکتک عادت قدیمه سنه تبعاً اولاً (رادوم) ده بر قوفه ده راسیون تشکل ایتدی . صوکره پودولیا ده ماجار عثمانلی حدودینه یقین بر نقطه ده (بار) قصبه سنده ۱ مارت ۱۷۶۸ ده ژوزف

پولوفسکی واولادی وفرانسو قرازنسکی ریاستلری آلتندە «دین وحریت ایچون pro religion et liberte» بیوک بر قوفندە راسیون تشکل ایتدی . بوقوفندە راسیون، حقوقدن اخراج exclusion قوانینک اعاده سنی و (بونیا توفسکی) نک اسقاطنی تصور ایدیوردی .

شوصورتله اجنبی بویوندروغندن قورتولمق غایه سی تعقیب ایدیلور، فقط دعوای ملی ، تعصب ومذاهب سائرمیه قارشى تدابیر شدیدە ولییه روم وەتونک ادامه سی مقصدلری ایله برلشدیرلدیکی ایچون تهلكیه اوغرا یوردی .

مخالف مذاهب اربابی ده آبروجه بر قوفندە راسیون حالندە طوبلانیدیلر . بونک نتیجه سی اوله رق بودولیا قربندە روسیای صغرادن معدود اولان له اراضیسی داخلندە (اوقرانیا Ukraine) ده اورتودوقسلر قیام ایتدیلر . حرب داخلی باشلادی . وبومدهش بر جدال، کویلی طرفندن زادکان علیه نه قانلی بر قیام اولدی . بوندە کویلیلر اکثریا مدهش اشکنجه لرله ۵۰,۰۰۰ وبلکده ۲۰۰,۰۰۰ کتلی اولدیردیلر .

روسلر بار قوفندە ره لرینه عاصی معامله سی ایتدیلر ومملکتک ایچندە وحشی قازاقلری بویدن بویه یایدیلر بار، روسلر طرفندن محاصره وضبط ایدلدی . قوفندە ره لر، قراقویه دن طرد، بودولیدان اخراج ایدلدی . وبغدانه التجا ایدیلر .

لهلر قوی روس قوللرینه قارشى آنجق داغینیق سواری مفرزه لری سوق ایدیورلردی . اونلرک حرکاتی ده دوچار موانع اولیوردی . زادکان شاتولرینک اشیا سی آرابه لرە یوککشلر، اوزون آرابه قافله لری یوللری قاپایور ، حرکاتی تعصیب ایدیوردی . لهلره مساعد برجهت وارسه اوده مملکتی ، اورمانلری ، آرقه سنده پناه آرادقلری باطاققلری بیلملری ایدی .

مشوشیت ، خیلی سوردی وبوندن دیکرلری ده استفاده یه قالدیشدی . ۱۷۷۰ ده آوستریا عساکری مجارستان حدودینک منتهالرینی اشارت ایتک اوزره طاشلر دیکمک وسیله سیله لهستان حدودینی آشدیلر . له قراللرینک منابع اصلیه وارداتی اولان بوخیا ویه لیچقا مملحه لرینی اشغال ایدیلر . ینه اوصره لرده لهستانده ساری بر خسته لق حکمفرما ایدی . ایکنجی فره دریق ، بر صحنه قوردونی تأسیس ایتک وسیله سیله بیوک پولونیایه کیردی .

[بیتمدی] حقوق فاکولته سی حقوق دول مدرسی

احمد صلاح السبى